

萬 有 文 庫

第 二 集 七 百 種

王 雲 五 主 編

萬 曆 重 修 二 百 二 十 八 卷 本

明 會 典

(六 十)

申 時 行 等 重 修

商 務 印 書 館 發 行

萬曆重修二百二十八卷本

明會典

(六十)

申時行等重修

萬有文庫

第二集七百七種

總編纂者
王雲五

商務印書館發行

明會典卷之七十三禮部三十一

【大宴樂】

洪武間定

殿內侑食樂

樂器

麾竿一

祝一

敵一

搏拊一

琴四

瑟二

簫四

笙四

笛四

塤二

篪二

排簫一

鐘一

磬一

應鐘一

樂章

一奏炎精開運之曲

炎精開運。篤生聖皇。大明御極。遠紹虞唐。河清海晏。物阜民康。威加夷獠。德被戎羌。八珍有薦。九鼎馨香。鐘鼓鏜鏜。宮徵洋洋。怡神養壽。理陰順陽。保茲遐福。地久天長。

二奏皇風之曲

皇風被八表。熙熙聲教宣。時和景象明。紫宸開繡筵。龍袞曜朝日。金爐裊祥煙。濟濟公與侯。被服麗且鮮。列座侍丹扆。磬折在周旋。羔豚升華俎。玉饌充方圓。初筵奏南風。繼歌廣載篇。瑤觴欣再舉。拜俯禮無愆。同樂及斯辰。於皇千萬年。

奏平定天下之舞

舞士三十二人。皆左執干。干長三尺五寸。上闊一尺。下廣六寸。朱質上畫雉羽。中畫升龍雲氣。右秉戚。戚長二尺五寸。硃紅漆柄。金妝戚斧。分爲四行。每行八人。舞作發揚蹈厲坐作擊刺之狀。皆冠黃金束髮冠。紫紛纓。青羅生色畫舞鶴花窄袖衫。白生絹襯衫。錦領紅羅銷金大袖窄袍。紅羅銷金裙。皂生色畫衣。沿襖。白羅銷金汗袴。藍青羅銷金沿。紅絹攤項。紅結子。紅絹束腰。塗金束帶。青絲大縷。錦臂鞞。綠雲頭皂靴。舞師二人。執旌以引之。旌長七尺五寸。硃紅漆柄。金龍吞口。懸五色羽九層。每層用塗金寶蓋。紅絲縷。穿

末垂絲結子。皆冠黃金束髮冠。紫紛纓。青羅大袖衫。白絹襪衫。錦領。塗金束帶。綠雲頭皂靴。

樂章

清海宇

拔劍起淮土。策馬定寰區。王氣開天統。寶曆應乾符。武略文謨。龍虎風雲。勦業初。將軍星繞弁。勇士月彎弧。選騎平南楚。結陳下東吳。跨蜀驅胡。萬里山河壯帝居。

三奏眷皇明之曲

赫赫上帝。眷我皇明。大命既集。本固支榮。厥本伊何。育德春宮。厥支伊何。藩邦以寧。慶延百世。澤被羣生。及時爲樂。天祿是膺。千秋萬歲。永觀厥成。

奏撫安四夷之舞

舞士十六人。東夷四人。椎髻於後。繫紅銷金頭繩。紅羅銷金抹額中。綴塗金博山。兩旁綴塗金環。明金耳環。青羅生色畫衣大袖衫。紅生色領袖。紅羅銷金裙。青銷金裙沿。紅生絹襪衫。錦領塗金束帶。烏皮鞋。西戎四人。間道錦纏頭。明金耳環。紅紵絲細褶襖子。大紅羅生色雲肩。綠生色沿。藍青羅銷金汗袴。紅銷金沿。繫腰台鉢。十字泥金數珠。五色銷金羅香囊。紅絹擁頂。紅結子。赤皮靴。南蠻四人。縮朝天髻。繫紅羅生色銀錠。紅銷金抹額。明金耳環。紅織金短襖子。綠織金細褶短裙。絨綿袴子。間道紵絲手巾。泥金頂牌。金

珠纓絡綴小金鈴錦行纏泥金獅鬘帶綠銷金擁項紅結子赤皮靴北狄四人戴單于冠貂鼠皮簷雙垂
髻紅銷金頭繩紅羅銷金抹額諸色細褶襖子藍青生色雲肩紅結子紅銷金汗袴繫腰合鉢皂皮靴四
夷各爲一行舞作拜跪朝謁喜躍俯伏之狀舞師二人執幢以引之幢長七尺五寸硃紅漆柄金龍吞口
懸五綵羅幢五層每層綴五色銷金吹帶末垂紅粉結子皆戴白捲簷氈帽塗金帽頂一撒紅纓紫羅帽
襪紅綠金繡襖子白銷金汗袴藍青銷金沿塗金束帶綠擁項紅結子赤皮靴

樂章

小將軍

大明君定宇寰聖恩寬掌江山東虜西戎北狄南蠻手高擎寶貝盤

殿前歡

五雲宮闕連霄漢金光明照眼玉溝金水聲潺潺頰頰觀趨踏看儀鑾嚴肅百千般威人心膽寒

慶新年

虎豹關文武班五綵間慶雲朝霞燦黃金殿喜氣增丹墀內仰聖顏翠遠紅圍錦繡班高樓十二欄笙簫
趁紫檀僊音韻瑤箏按拜舞齊歌謠讚吾皇萬壽安

過門子

定宇寰。定宇寰。掌江山。撫百蠻。謳歌拜舞。仰祝讚。萬萬年。帝業安。

四奏天道傳之曲

馬負圖兮天道傳。龜載書兮人文宣。羲畫卦兮禹疇斂。皇極建兮合自然。綿綿曆數歸明主。祥麟在郊威鳳舞。九夷八貢康衢謠。聖子神孫繼祖武。垂拱無爲邁前古。

奏車書會同之舞

舞士三十二人。左執籥。籥長一尺五寸。硃紅漆筍竹爲之。上開三竅。右秉翟。翟長三尺五寸。硃紅漆柄。金龍吞口。上綴雉羽五層。每層用塗金寶蓋。紅絲繚穿。末用紅綠結子。分爲四行。每行八人。舞坐作進退。舒徐揖讓升降之狀。皆冠黑光描金方山冠。青紛纓。衣素紅羅大袖衫。紅生絹襯衫。錦領紅羅擁項。紅結子。塗金束帶。白絹大口袴。白布鞮。茶褐鞋。舞師二人。執翽以引之。翽長七尺五寸。硃紅漆柄。金龍吞口。懸白鷺羽九層。用塗金寶蓋。紅絲繚穿。末垂紅絲結子。冠服與舞士同。惟大袖衫用青。不用紅羅項。紅結子。

樂章

泰階平

乾坤清寧。治功告成。武定禍亂。文致太平。郊則致其禮。廟則盡其誠。卿雲在天。甘露零。風雨時若。百穀登。禮樂雍和。政刑肅清。儲嗣旣立。封建乃行。讒佞屏四海。賢俊立朝廷。玉帛鐘鼓陳兩楹。君臣廣歌揚頌聲。

五奏振皇綱之曲

周南詠麟趾。卷阿歌鳳凰。藹藹稱多士。爲楨振皇綱。赫赫我大明。德尊踰漢唐。百揆脩庶績。公輔理陰陽。峩冠正襟佩。都兪在高堂。坐令八紘內。熙熙民樂康。氣和風雨時。田疇見豐穰。獻禮過三爵。歡娛良未央。

奏百戲承應

六奏金陵之曲

鍾山蟠蒼龍。石城踞金虎。千年王氣都。于今歸聖主。六代繁華經幾秋。江流東去無時休。誰言天塹分南北。英雄豈但嗤曹劉。我皇昔住濠梁屋。神遊天錫真人服。提兵乘勢渡江來。詞臣早獻金陵曲。歌金陵。進珍饌。諧八音。繼三歎。請觀漢祖用兵時。爲嘗馮異滹沱飯。

奏百戲承應

七奏長楊之曲

長楊曳綠。黃鳥和鳴。茵菖呈鮮。紫燕輕盈。千花浥露。日麗風清。及時爲樂。芳尊在庭。管音嘒嘒。絲韻泠泠。玉振金聲。各奏爾能。皤皤國老。載勸載懲。明德惟馨。垂之聖經。唐風示戒。永保嘉名。無已太康。哲人是聽。

奏百戲承應

八奏芳醴之曲

夏王脈芳醴。商湯遠色聲。聖人示深戒。千春垂令名。惟皇登九五。玉食保尊榮。日昃不遑餐。布德延羣生。天庖具豐膳。鼎鼐事調烹。豈但資肥甘。亦足養遐齡。達人悟茲理。恆令五氣平。隨時知有節。昭哉天道行。

奏隊舞承應

九奏駕六龍之曲

日麗中天漏下遲。公卿侍燕多令儀。簫韶九奏觴九獻。爐煙細逐祥風吹。羣臣舞蹈天顏喜。歲熟民康長若此。六龍迴駕鳳樓深。寶扇齊開扶玉几。景星呈瑞慶雲多。兩曜增暉四序和。聖人道大如天地。歲歲年年奈樂何。

奏隊舞承應

進膳樂

樂器

笙二

笛二

鼓一

板一

樂章

杖鼓八

水龍吟

寶殿祥雲紫氣濛。聖明君。龍德宮。氤氳霧藹。檜栢間青松。龍樓鳳閣。雕梁畫棟。此是蓬萊洞。

太平清樂

樂器

笙四

笛四

頭管二

簫四

杖鼓八

小鼓一

板一

方響一

樂章

太清歌

萬國來朝進貢。仰賀聖明主。一統華夷。普天下八方四海。南北東西。託聖德。勝堯王。保護家國。太平天下都歸一。將兵器銷爲農器。旌旗不動酒旗招。仰荷天地。

上清歌

一願四時。風調雨順。民心喜。攝外國將寶貝。攝外國將寶貝。見君王來朝。寶殿裏珊瑚瑪瑙。玻璃進在丹

塤。

開天門

託長生。日月光天德。萬萬歲永固皇基。公卿文武來朝會。開玳筵。捧金杯。

設立大樂

樂器

戲竹二

簫四

笙四

笛二

頭管二

琵琶二

箏二

二十絃二

方響二

鼓一

板一

杖鼓八

陸座

還宮

百官行禮

樂章

萬歲樂

朝天子見朝儀

迎膳樂

樂器

戲竹二

笙二

笛四

頭管二

箏二

鼓一

板一

杖鼓十

樂章

水龍吟同前

大祀慶成大宴。萬國來朝隊舞。纓鞭得勝隊舞。

萬壽聖節大宴。九夷進寶隊舞。壽星隊舞。

冬至大宴。讚聖喜隊舞。百花聖朝隊舞。

正旦大宴。百戲蓮花盆隊舞。勝鼓采蓮隊舞。

永樂間定。

殿內侑食樂

樂器

麾一

簫四

笙四

笛四

塤二

篪二

排簫二

琴四

編鐘一

編磬一

祝一

敔一

搏拊一

應鼓一

樂章

一奏上萬壽之曲

龍飛定萬方。受天命。振紀綱。髮倫攸斂。四海康。普天率土。盡來王。臣民舞蹈。嵩呼載揚。稱觴奉吾皇。聖壽天長。

奏平定天下之舞

引舞二人。皆服青羅包巾。青紅綠玉色羅。銷金胷背襖子。渾金銅帶。紅羅袴襪。皂雲頭靴。青綠羅銷金包。

髻。舞人三十二人。服色與引舞樂工同。

樂章

四邊靜

威伏千邦。四夷來賓。納表章。顯禎祥。承乾象。皇基永昌。萬載山河壯。

刮地風

聖主過堯勝禹湯。立五常三綱。八蠻進貢。朝今上。頓首誠惶。朝中宰相。燮理陰陽。五穀收成。萬民歡暢。賀吾皇。齊讚揚。萬國來降。

二奏仰天恩之曲

皇天眷聖明。五辰順。四海寧。風調雨順。百穀登。臣民鼓舞樂太平。賢良在位。邦家永禎。吾皇仰洪恩。夙夜存誠。

奏黃童白叟鼓腹謳歌承應

樂器

笛四

大鼓一

小鼓一

箏子二

拍板二

酒壺一

酒鍾一

杖鼓二

樂章

豆葉黃

雨順風調。五穀收成。倉廩豐盈。大利民生。託賴著皇恩。四海清。鼓腹謳歌。白叟黃童。共樂咸寧。

奏撫安四夷之舞

引舞樂工二人。皆服紅氊帽。紅羅銷金項帕。紅青綠羅銷金襖子。紅羅襦袴。紅青綠羅銷金包臀。皂雲頭靴。

攬掇樂器

笛二

頭管二

簫二

琵琶二

水盞一

箏子二

拍板一

二十絃二

高麗舞四人。皆服笠子。青羅銷金胸背襖子。銅帶。皂靴。琉球舞四人。皆服綿布花手巾。青羅大袖襖子。銅

帶白碾光絹間道踢袴皂皮鞋北番舞四人皆服狐帽青紅紵絲銷金襖子銅帶伍魯速回回舞四人皆服青羅帽比里罕綿布花手巾銅帶皂靴

樂章

小將軍

順天心聖德誠化番邦盡朝京東夷歸伏舞於龍庭貢皇明寶貝擎

殿前歡

四夷率土歸王命都來仰大明萬邦千國皆歸正現帝庭朝仁聖天階班列衆公卿齊聲歌大平

慶豐年

和氣增鸞鳳鳴紫霧生祥雲朝霞映燕金爐香味馨列丹墀御駕盈絃管簫韶五音應龍笛聞鳳笙

渤海令

金杯中酒滿盛御案前列羣英君德成皇圖慶嵩呼萬歲聲

過門子

聖主興聖主顯威靈蠻夷靜至仁至德至聖明萬萬年帝業成

三奏感地德之曲